



# Dnevni avaz krši sve postulate profesije

Povodom jednog od tekstova Dnevnog avaza, kojima su novinari i urednici Oslobođenja omiljene teme, oglasila se i Žalbena komisija Vijeća za štampu

U okviru svoje nadležnosti, Žalbena komisija Vijeća za štampu u BiH reaguje na tekst "Hilmin čistač" objavljen u Dnevnom avazu 4. 11. 2010. godine, koji se odnosi na glavnu i odgovornu urednicu lista Oslobođenje gđu Vildanu Selimbegović.

Žalbena komisija utvrđuje da je u tekstu evidentno kršenje elementarne pristojnosti i profesionalne novinarske etike, koja je sadržana u članu 2 - Urednička odgovornost Kodeksa za štampu BiH:

"Najvažnija odgovornost novinara i urednika je osigurati da njihov rad bude usmjeren ka poštivanju istine, kao i prava javnosti da sazna istinu. Novinari će u svakom



trenutku obavljati svoj posao u duhu pravednosti, istinitosti i pristojnosti pri sakupljanju informacija, izvještavanju i predstavljanju mišljenja. Plagijati, falsifi-

kovanje, namjerno prikrivanje važnih činjenica, primanje mita ili usluga koje bi uticale na rad izvještača ili urednika, najteži su moralni prekršaji ove profesije".

Kvalifikacije izrečene u tekstu, poput „klozetska krpa“, „obično novinarsko roblje“, „potkupljivi šljam koji služi za jednokratnu upotrebu“ i druge slične kvalifikacije iz teksta, očigledan su primjer kršenja Kodeksa za štampu BiH u članu 2 - Urednička odgovornost.

Članovi/ce Žalbene komisije: predsjedavajući, advokat Dražen Zubak; novinar Fuad Kovačević; psihologinja prof. dr. Nada Ler-Sofronić; dr. sc. Enes Osmančević, docent; advokatica Nada Dalipagić, sutkinja Nada Arsenić, prof. dr. Miodrag Živanović i komunikolog/akademski slikar mr. Goran Janković.